

Gvangjsih Minzda Daengz Ningzmingz Guh Diuyenz

Mboengqneix, Gvangjsih Minzczu Dayoz Vwnzyoz Yen Minzczu Yijyen Gyauyenz cujiz vunz daengz Ningzmingz Yen diuyenz, bae roxyiuj Ningzmingz Yen vahsaw minzczu faenbough caeuq sawjyung cingzgvang, coengh henzguk siujsoq minzczu fazcanj daez genyi ok geiqmaeuz.

Diuyenzcuj bae daengz Aiden Cin, doenggvaq caez naengh doxlwnh, ciengzsaq roxyiuj gij cingzgvang mizgven dangdieg vahsaw minzczu sawjyung, ciepswnj minzczu vwnzva, minzczu gyauyuz fazcanj daengj. Diuyenzcuj daengz Ganh' ai Cunh Mbanjcienghgaeq, Mbanjbanj-ganh yawj gij yienghsiengq aen mbanj caeuq cingzgvang dangdieg, caemhcai q bae yawj boux ndaej swegih minzczu doxgiet cinbu mozfan Ciuw Swnghding dem, dingq gij saehsaed senhcin de.

Youq Haijyenh Vazgyauz Nungzcangz Mbanjmoq Yauzczu, diuyenzcuj doiq gij lizsij cauxbaenz, sawjyung, vwnzva, fungsug sibgvenq, swnghcanj swnghhoz daengj dangdieg Yauzczu guh ciendaez diuyenz. Youq ndaw ranz Ciuw Swnghhingh, diuyenzcuj bae diucz yenzgiu gij yizsiz vwnzva Yauzczu, damqra gyauhliuz gij vwnzva conzdungj caeuq fungsug.

Diuyenzcuj naeuz, Ningzmingz Yen dwg aen dieg miz Bouxgun, Bouxcuengh, Yauzczu comzyouq, vahsaw fungfouq lai yiengh, gak minzczu gij lizsij swhliu doxbyaij doxyau doxyungz haenx sengdoengh laegdaeuq, dwg aen dieg Cungguk siujsoq minzczu yijyen vwnzyoz ciennieb sonlien lijsiengj. Maqmuengh doenggvaq aen hozdung hagseng lienhguh haenx, lai vatcimh gij vwnzva swhyenz dangdieg, dajcauh vwnzva ginghdenj, lai coengh Gvangjsih hwnqguh aen gih guhyiengh couqmaenh gij eiqsik Cunghvaz Minzczu ranz vunz ndeu.

(Liengz Funghgoz/梁峰阁
Liengz Yijcingz/梁宇晴)



▲ Diuyenzcuj youq laeng vunzmbanj Yauzczu soucomz sawfwen Yauzczu.
Nungz Yencuz ingj

Yungzsuij: “Ngoenz Hailangh Yihyen” Coux “Ciet Canghyw Cungguk”

8 nyied 15 hauh, Yungzsuij Myauzczu Swciyen Yinzminz Yihyen guh hozdung “ngoenz hailangh yihyen”, iucingj ginzung daiyauj daengz yihyen cazyawj daejniemh, dingq lwnhgangj, gyaoulou baedauq, caenndang roxyiuj gij hong canghyw, gamjsouh gij simcingz sangndei canghyw gouq vunz, caemh coux “ciet canghyw Cungguk” daeuj daengz.

(Lungz Dauh/龙涛)



▲ Boux canghyw gaisau aen gihgi yw bingh hawj gyoengq hagseng.


Cenzcouh: Gaiq Naz Ndeu Ndaej Song Baez Ngaenz



▲ Bouxguh naz youq ndaw naz gaeb ndaej baenz lamz bya.

8 nyied 12 hauh, Cenzcouh Yen Bwzbauj Yangh Mbanjbwbauj vunzmbanj youq ndaw naz gaeb bya bae gai. Cenzcouh Yen bineix haeux bya gyoebhab ndaem ciengx daihgaiq 9000 moux doxhwnj, yawhguj nazhaeux ciengx bya mauhgvaq 12 fanh dunh, saedyienh bouxguh naz haeux bya song demsou.

(Dangz Gvangjdungh/唐广东
Liuz Couhminj/刘舟皿)



▲ Yindungyenz youq gwnz ciengz doxdax haenqrem.

Cunghsanh: 2025 Nienz Gvangjsih “Minzczu Doxgiet Beih” Dwkgienz Iucingjsaiq Haiguh

8 nyied 11 hauh, 2025 nienz Gvangjsih “minzczu doxgiet beih” dwkgienz iucingjsaiq youq Cunghsanh Yen haiguh. 12 aen daiyauj dui daj Bwzgingh, Sanhsih, Yinznanz daengj daengx guk 11 aen swngj (cizyazsi) daeuj haenx gunh 124 boux gak cuz yindungyenz camgya doxdax, yung cingsaenz diyzuz rwed dujva minzczu doxgiet, hawj diyzuz cingsaenz gyonjcomz rengz minzczu doxgiet, doenggvaq diyzuz engq ndei doidoengh gak minzczu “sam gyau”.

(Cunghsanh Yenveij Dungcanbu)